

Das erste Buch

Auff Eenen gewicht auff die gre zu probiren.
kan er den halt jeßigem bericht nach/auff loth/quintl/vnnd pfemning/
leichtlich finden/Was aber newe Guldener seynd/die sonst 14.loth 16.
gren zu halten pflegen/die würdē in solchem Centen gewicht 14.pfund
vnd 28.loth oder ein wenig reichlicher halten/das weren obgemeltem
verstand nach 14.loth 3.quintl 2.Pfenning/vnd fast ein halber Heller/
die bringen auch 14.loth 16.gren/ In solcher gestalt kündt einer auff
Gold die 16.pfund des Centen gewichts/ für 24.karat auch nemmen/
vnnd das Gold darnach probirn/allein besser ist wann ein Probirer
die abgetheilten Gewicht bey der hand haben kan/das er dieselbigen
brauche/Dann auff diß achtung zu geben/wil einen geübten Probi-
rer haben/vnd wirt ein vngewübter leichtlich dardurch irze.

Wie man Brandtsilber stück/vnd Plantsehen/ ausshawen vnd Probirn soll.

Brandtsilber.
S Du ein stück Brandtsilber zum Probirn außschlagen/ oder
ausshawen wilt/so schlag zum ersten mit einem kleinen halb run-
den Messel/das stück oben auß/nicht gar mitten/auch nit gar
am orth/vnd kehre dann das stück omb/vnd schlags auff jezt gesag-
te weiß unten auch auß/doch also/das es unten vnnd oben nit auff
einer seitten sey/sondern auff welcher seitten es oben außgeschlagen
wirt/da soll es darnach auff der andern seitten gegen ober geschehen/
Plantsehen. Was aber Plantsehen seyn/die schlag auff der einen seitten oben/vnd
auff der andern unten auß/Bieg nachmals von jedem theil eine hal-
be Marck zu einer Prob ein/die thue zusammen in das schälligen der
Probirwag/vnd leg die ganze Marck dargegen in das ander schälli-
gen/ists dann nit gar recht gleich/wie es billich seyn soll/so vergleichs/
damit es ganz gerad inne stehe/dann probirs wie du bericht bist wor-
Blicksilber. den. Blicksilber mag man der gestalt vnden vnnd oben auch also auß-
schlagen vnd Probirn/damit wirt dir der halt/wann die Proben mit
fleiß gemacht werden/aller seints recht heraus kommen.

Wie man Silbern Streich- nadeln machen soll.

Die Silbern Streichnadeln / die man auch
Probirnadeln nennet/werden in gemein von allen Münz-
meistern / Ewarden vnnd die sich die Silber zu kauffen
befleißigen/gebraucht/Durch welcher strich eines jeden Sil-